



## **REGLAMENT DE FONCIONAMENT D'“ERA AUDIOVISUAU DE VIELHA”, ANTIC CINE DE VIELHA**

### **CAPÍTOL 1. DERA SUA FINALITAT, OBJECTIUS E FONCTIONS**

**Article 1.** Era Audiovisuau de Vielha ei un espaci audiovisuau que se met a dispausacion des usatgèrs entara potenciacion dera aufèrta culturau e toristica deth municipi de Vielha e Mijaran atau coma tanben entà daurir es pòrtes ara generacion economica.

**Article 2.** Eth present reglament a coma fin finau organizar e regular er ús que se'n derive dera sua utilizacion , mielhorant e ampliant er ús ena vida utila des diferents elements qu'era intègren atau coma regular es activitats que se realizen.

### **CAPÍTOL 2. DES ACTIVITATS QUE SE DESVOLOPEN**

**Article 3.** Era Audiovisuau de Vielha poderà èster utilizada entà realizar diuèrses activitats culturaus, tecnologiqües e economicques atau coma tanben totes aqueres activitats que dan supòrt as objectius establits coma prioritaris en Ajuntament de Vielha e Mijaran.

### **CAPÍTOL 3. DERA SOLLICITUD E ÚS D'“ERA AUDIOVISUAU DE VIELHA”**

**Article 4.** Era demana d'ús d'Era Audiovisuau de Vielha, serà elaborada peth responsable fisic e/o juridic der eveniment e aurà d'èster dirigida pes responsables titulars dera persona que la sollicite.

**Article 5.** Eth sollicitant aurà de signar eth formulari de sollicitud oficiau, a on se comprometerà coma responsable des desperfèctes qu' Era Audiovisuau de Vielha pogue patir pendent eth periòde sollicitat (equip, mobiliari, utisi tecnològics), ath delà de comprometer-se a:

- a) utilizar er equipament sollicitat enes espacis destinadi entath subjècte dera sollicitud.
- b) Non se poderà excedir dera capacitat dera sala.
- c) Entregar er equip e/o installacions qu'agen estat plaçades en custòdia enes madeishes condicions enes que li siguèren entregades.
- d) De non complir-se eth punt anterior, eth sollicitant aurà de corbir es danhs realizats en er equipament o equip afectat.



## Ajuntament de Vielha e Mijaran

**Article 6.** Qui requerisque era sala, aurà de sollicitar eth sòn ús damb ua auança minima de 20 dies.

**Article 7.** Eth sollicitant poderà demanar er equipament solet o damb er ús des equips tecnològics e de servicis, en tot cas, auràn d'èster especificats ena sua sollicitud.

**Article 8.** En cas de demanar er equipament solet, eth sollicitant sonque aurà era obligatorietat de pagar eth prètz deth loguèr dera sala aprovat ena ordenança fiscau municipau. En cas de demanar er equipament e tanben er ús des utisi tecnològics, eth sollicitant aurà era obligatorietat de pagar eth loguèr dera sala autant coma tanben eth còst der ús deth servici qu'inclodís en tot cas (professionau qu' utilizarà es utisi tecnològics atau coma un loguèr d'equips). En toti es casi, eth sollicitant tanben aurà de pagar era taxa corresponenta ara neteja dera sala dempús dera sua utilizacion que vierà fixada ena corresponent ordenança fiscau der Ajuntament de Vielha e Mijaran.

**Article 9.** En cas de demanar er ús der equipament tècnic, eth responsable dera sollicitud aurà de hèr arribar era carta de servicis atau coma es caracteristiques e condicions der ús que se'n derive.

**Article 10.** Demore completament proibit:

1. Provocar desordre ben sigue ara entrada, ara gessuda o ben en interior d' Era Audiovisuau de Vielha.
2. Demorar de pè en passadís d' Era Audiovisuau pendent er eveniment.
3. Setiar-se incorrectament, pujar es pès enes butaques, atau coma setiar-se mès d'ua persona per butaca.
4. Trincar o ben hèr a maubé eth mobiliari e es equips audiovisuaus der equipament.
5. Utilizar telefons movils, dispositius musicaus en quisevolh format o un aute equip que perjudique ara activitat a realitzar en equipament.
6. Tirar lordèra en interior dera Sala der equipament.
7. Introdusir e ingerir begudes alcooliques, inalants e humar en tot er equipament.
8. Hèr ús sense autorizacion der equip tècnic o cambiar-lo d'emplaçament sense era autorizacion expressa der Ajuntament de Vielha e Mijaran.

**Article 11.** Es sollicitants/es deth servici seràn es responsables der ordre qu' impere ena sala, autant coma deth compliment der article anterior. S'evitarà lheuar era vèu e non se permet proferir insults o paraules mau sonantes.



#### **CAPÍTOL IV. DES ACTUACIONS DETH TITOLAR DER EQUIPAMENT**

**Article 12.** Ei era sua foncion proporcionar era informacion tanhenta ath calendari, orari, crobament de taxes e eth compliment deth present reglament.

**Article 13.** Er Ajuntament de Vielha e Mijaran, titular der equipament, poderà negar eth servici e ús der equipament totau o parciau quan en reiterides ocasions s'age imcomplit eth present reglament. En toti es casi, aurà de denegar er ús totau o parciau der equipament quan non s'age tramitat era sua sollicitud enes condicions establides o ben non s'age complit eth procediment obligatòri per part deth sollicitant der equipament.

**Article 14.** Eth titular aurà era obligatorietat de dar responsa, quan era sollicitud s'age hèt enes condicions establides e obligatòries, en un maxim de 5 dies des dera entrada dera sollicitud en registre municipau.

#### **CAPÍTOL V. DES ORARIS DETH SERVICI**

**Article 15.** Er orari regular de loguèr der equipament serà:

|            |  |
|------------|--|
| Deluns:    | de 09:00 ores a 21:00 ores.  |
| Dimarts:   | de 09:00 ores a 21:00 ores, en ostiu. ( era rèsta der an, era disponibilitat serà totau) |
| Dimèrcles: | de 09:00 a 23:00 ores.   |
| Dijaus:    | de 09:00 a 23:00 ores  |
| Diuendres: | de 09:00 a 23:00 ores.   |
| Dissabte:  | de 09:00 a 21:00 ores.   |
| Dimenges:  | de 09:00 a 15:00 ores.   |

#### **CAPÍTOL VI. DERA DIFUSION DETH REGLAMENT**

**Article 16.** Un viatge aprovat eth present reglament, serà dat a conèisher a totes es entitats culturaus deth municipi.

**Article 17.** Un viatge aprovada era sollicitud d'ús d' Era Audiovisuau, er Ajuntament de Vielha e Mijaran aufrirà ua còpia deth madeish entath coneishement dera entitat sollicitant.



**TRANSITÒRIES**

**PRUMÈRA.** Eth titular der equipament demore autorizat entà condicionar er accés e gessuda deth reciente.

**DUSAU.** Eth present reglament entrarà en vigor un còp aprovat definitiuament e publicat eth sòn tèxte integre en Butletín Oficiau dera Província, e quan age passat eth tèrme previst en article 65.2 dera Lei 7/1985 de 2 d'abriu, Reguladora des Bases de Règim Locau.

Vielha, 20 de seteme de 2010

Er Alcalde,

J.Pau Perdices Pla

---

**Diligència** entà hèr constar qu'aguest reglament siguec aprovat iniciaument per acòrd deth Plen en session deth dia 29 de seteme de 2010.

Era Secretària

Pilar Hervada Vidal

Publicat en BOP núm. 174 deth 14-12-2010.  
Publicat en DOGC núm. 5794 deth 12-1-2011.